

## **Terma dan Syarat Rebat Tunai Kad Komersial UOB**

**Berkuatkuasa 15hb July 2019**

### **Umum**

Terma dan syarat ini (“Terma dan Syarat”) akan digunakan untuk Kad Komersial UOB daripada United Overseas Bank (Malaysia) Bhd (271809-K) (“UOBM”) yang dikeluarkan oleh UOBM kepada Ahli Kad [Nota: Dalam Terma dan Syarat ini, “Kad Komersial UOB” bermakna Kad Platinum Bisnes UOB, Kad Korporat UOB dan Kad Pembelian UOB kecuali dinyatakan sebaliknya] dan perlu dibaca bersama dengan Perjanjian Ahli Kad VISA/MASTERCARD UOB (“Perjanjian Ahli Kad”) [Nota: Untuk mengelakkan keraguan, “Ahli Kad” bermakna Ahli Kad utama.]

Melainkan ia ditakrifkan secara berlainan dalam Terma dan Syarat ini, perkataan dan ungkapan yang digunakan di dalam Terma dan Syarat ini akan mempunyai makna yang sama seperti di dalam Perjanjian Ahli Kad.

UOBM berhak pada budi bicara tunggal dan mutlak pada bila-bila masa untuk membuat keputusan mengenai semua perkara berhubung dengan pemberian atau penggunaan mana-mana atau semua manfaat dan keistimewaan yang dinyatakan di bawah dan keputusan UOBM adalah muktamad dan akan mengikat Ahli Kad. Manfaat dan keistimewaan yang diuraikan di bawah boleh dipinda, ditambah atau dibatalkan oleh UOBM pada bila-bila masa pada budi bicara tunggal dan mutlak UOBM.

### **Program Rebat Tunai Kad Komersial UOBM**

1. Rebat Tunai seperti berikut diberikan untuk apa-apa perbelanjaan yang menggunakan Kad Komersial UOB:
  - a. Kad Platinum Bisnes UOB – Rebat Tunai sebanyak 0.30% untuk semua perbelanjaan
  - b. Kad Korporat UOB dan Kad Pembelian UOB – Rebat Tunai sebanyak 0.25% untuk semua perbelanjaan
  - c. Kategori-kategori perbelanjaan dan kadar untuk Rebat Tunai adalah tertakluk kepada perubahan dan akan disemak secara berkala pada budi bicara tunggal UOBM dari semasa ke semasa
2. Sebarang Rebat Tunai yang terkumpul termasuk rebat yang masih belum dimasukkan ke dalam Akaun Kad Komersial UOB Ahli Kad akan menjadi tidak sah dengan serta-merta apabila berlakunya mana-mana satu yang berikut:
  - a. Sebarang pembatalan Kad Komersial UOB; atau

- b. Sebarang penukaran Kad Komersial UOB kepada mana-mana Kad Kredit UOBM lain, dan tiada bayaran balik, pelanjutan atau pampasan akan diberikan oleh UOBM; atau
  - c. Akaun Kad Komersial UOB menjadi tertunggak, dan tiada bayaran balik, pelanjutan atau pampasan akan diberikan oleh UOBM.
3. Untuk Kad Platinum Bisnes UOB, jumlah Rebat Tunai yang diperoleh setiap bulan akan dikreditkan secara automatik ke dalam Akaun Kad Komersial UOB Ahli Kad dan ini akan ditunjukkan dalam Penyata Akaun bulanan yang berikutnya selepas tarikh pengkreditan Rebat Tunai tersebut. Sekiranya sistem yang menyokong proses automatik ini tidak tersedia pada bila-bila masa, UOBM akan menggunakan proses manual untuk mengkredit Rebat Tunai yang diperoleh setiap bulan ke dalam Akaun Kad Komersial UOB Ahli Kad dan ini akan ditunjukkan dalam Penyata Akaun bulanan yang berikutnya.
4. Untuk Kad Korporat UOB dan Kad Pembelian UOB, jumlah Rebat Tunai yang diperoleh setiap tahun akan dikreditkan ke dalam Akaun Kad Komersial UOB Ahli Kad dan ini akan ditunjukkan dalam Penyata Akaun bulanan yang berikutnya selepas tarikh pengkreditan Rebat Tunai tersebut.
5. UOBM berhak pada budi bicara mutlaknya untuk membatalkan, menamatkan atau menggantung program ini secara keseluruhan atau sebahagian, pada bila-bila masa dengan memberikan notis terlebih dahulu. Untuk mengelakkan keraguan, pembatalan, penamatan atau penggantungan program ini oleh UOBM tidak memberi hak kepada Ahli Kad untuk sebarang tuntutan atau pampasan terhadap UOBM untuk sebarang dan semua kerugian atau ganti rugi yang ditanggung atau dialami oleh Ahli Kad sama ada diakibatkan secara langsung atau tidak langsung daripada pembatalan, penamatan atau penggantungan sedemikian.
6. Semua Ahli Kad layak menyertai program ini dengan syarat bahawa Ahli Kad tidak memungkir sebarang terma dan syarat dalam Perjanjian Ahli Kad.
7. Tanpa menjejaskan keluasan makna yang dinyatakan sebelum ini, sekiranya Rebat Tunai di bawah program ini diberikan kepada dan diterima oleh seseorang individu yang telah melakukan atau disyaki melakukan apa-apa tindakan penipuan atau kesalahan yang berhubung dengan penggunaan Kad Komersial UOB mereka dan/atau sebarang transaksi telah dilakukan dengan menggunakan Kad Komersial UOB mereka, UOBM berhak untuk membatalkan kelayakan individu tersebut daripada memperoleh atau menggunakan Rebat Tunai.

### ***Pengecualian***

8. Rebat Tunai mesti dikumpul melalui pembelian yang dilakukan dengan Kad Komersial UOB sahaja. Berikut tidak dimasukkan bagi tujuan pengumpulan Rebat Tunai:
- a. Pemindahan Baki;

- b. Pembelian Pelan Pembayaran Mudah;
- c. Transaksi runcit yang dibayar balik, dipertikaikan, tidak sah atau palsu;
- d. Pengeluaran tunai;
- e. Bayaran fi keahlian kad tahunan, bayaran faedah, fi bayaran lewat, caj untuk pengeluaran tunai dan sebarang bentuk perkhidmatan/fi pelbagai lain yang menggunakan Kad Komersial UOB.

### **Terma dan Syarat Umum**

- 9. UOBM tidak akan bertanggungjawab dan tidak akan menanggung sebarang liabiliti dalam apa jua bentuk dan bagaimana sekalipun timbul atau dialami oleh Ahli Kad dan/atau mana-mana pihak ketiga yang diakibatkan secara langsung atau tidak langsung daripada penyertaan Ahli Kad dalam program ini.
- 10. Jika terdapat sebarang percanggahan antara Terma dan Syarat ini dan Perjanjian Ahli Kad, maka Terma dan Syarat ini akan dikekalkan untuk semua perkara yang berhubung dengan program ini.
- 11. Keputusan UOBM dalam semua perkara berhubung dengan program ini, termasuk penentuan Rebat Tunai dan kategori bagi Rebat Tunai adalah muktamad dan akan mengikat semua Ahli Kad. Sebarang surat-menyurat selanjutnya atau percubaan untuk mempertikai keputusan sedemikian tidak akan dilayan.
- 12. UOBM tidak akan bertanggungjawab untuk sebarang salah nyata atau salah tafsir fakta oleh mana-mana pihak ketiga yang tidak dibenarkan berhubung dengan program dan/atau Rebat Tunai yang ditawarkan dan diterbitkan dalam mana-mana media massa, bahan pemasaran atau pengiklanan
- 13. Setakat yang dibenarkan oleh undang-undang, UOBM dengan jelas mengecualikan dan menafikan sebarang perwakilan, jaminan atau pengendorsan, secara nyata atau tersirat, bertulis atau lisan, tanpa had kepada apa-apa yang tercetak dalam mana-mana media massa, bahan pemasaran atau pengiklanan, termasuk tetapi tidak terhad kepada sebarang jaminan kualiti, kebolehdagangan atau kesesuaian untuk sesuatu tujuan tertentu berhubung dengan program ini dan Rebat Tunai di bawah program ini.
- 14. UOBM berhak untuk menambah, mengeluarkan, menggantung atau mengubah Terma dan Syarat ini, dari semasa ke semasa, secara keseluruhan atau sebahagian, pada budi bicara mutlaknyanya, dengan memberikan notis dua puluh satu (21) hari terlebih dahulu kepada Ahli Kad melalui paparan pada laman web UOBM, penampilan notis di mana-mana cawangan UOBM dan/atau kenyataan yang dimasukkan ke dalam Penyata Akaun.
- 15. Terma dan Syarat ini akan ditadbir oleh dan ditafsirkan menurut undang-undang Malaysia dan Ahli Kad bersetuju untuk menyerah kepada bidang kuasa tidak eksklusif mahkamah Malaysia.